

www.BibleForChildren.org

Mateo 8



Chaypita quimsa junajtaga Galilea probinsyacho caycaj
Caná marcacho juc runa majachacar fistata ruraran.
Jesuspa mamanpis chay fistacho caycaran.
Chay fistaman Jesustapis disipuluncunatawan
gayachiran.



Manaraj fista ushacaptinmi bïnuga ushacäcuran.
Chaymi Jesusta mamanga niran: «Bïnun
ushacäcushanami.» Jesuspa mamannami
sirbicuycajcunata niran: «Imata ruranayquipäpis pay
nishushayquita ruray.»



Sirbicuycajcunatana Jesusga niran: «Chay urpucunaman yacuta juntachiy.» Chaura paycunaga yacuta juntata wiñaran.

Juntarcachiptin Jesús niran: «Wallcallata chagarcur apay mayur sirbintiman.»

Sirbicojcunaga Jesús nishanno apaparan.



Mayur sirbintiga yawarcuran yacupita binuman
ticrashatana. Payga mana musyaranchu maypita
jorgamushantapis. (Waquin
sirbicojcuna ichanga
musyaycaran.) Chaymi
casaraj mösuta gayaycur
mayur sirbintenga niran:
«Llapan runapis rimëruga
alli binu cajtami
upun.»



«Achcatana upusha captinnaga jorgamun shegui
caj bïnullatana. Gammi ichanga canancamapis
mas alli caj bïnutami
churarächishcanqui.»



Chay milagrutami rimir-puntata Jesusga ruraran
Galileacho caycaj Caná marcacho.

Chaychömi payga Tayta
Diospa japallan wamran car
munayniyoj cashanta
musyachiran. Chaynöpami
disípuluncunapis


Jesusman
riguiran.



Chaypita Pedrupa wasinman Jesús
aywaran. Chaycho Pedrupa suyranga
rupaywan gueshyar jitaraycaran.



Chaura gueshyajpa maquina Jesús yataycuptin jinan öra allchacäcuran. Allchacarcurna jatarcur micuyta gararan Jesusta.



Inti yagacur pacha chacaycaptinnaga Jesús
cajman aparán gueshyajcunata, dyablu
löcuyaycächishancunata.


Chay marcacho
tiyajcunaga
wasi-puncuman
llapan gotucaran.



Jesusga aypallajta allchacächiran tucuy gueshyawan gueshyajcunata. Waquin runacunapitaga dyablucunatapis garguran. Pi cashantapis rejsiptinmi dyablucunataga ollgöparan mana rimacunanpaj.



Munayninwan allchacächiptinmi pï-maypis Jesusta
yatayllapis yataycuyta munaj gueshyancunapita
allchacänanpaj.



Chaycho yachaycächiptinmi chuscoj runacunaga mana cuyucoj runata quirmawan wintusha chayachiran.



Runacuna achca captinmi Jesús
caycashan cajman yaycuchiyta mana
puydiranchu. Chaymi wasipa
jananman wicharcu urchurichiriran.
Nircu Jesús caycashan
cajman warcuyllapa
quirmantinta
urachiran.




Chay runacuna payman yäracushanta musyar
mana cuyucoj runataga
Jesús niran «İju, İlapan
juchayquicunapita
perdunashanami
caycanqui.»
«Gamtami nē:
Jatariy. Quirmayquita
shuntacurcur
wasiquiman
aywacuy.»



Chayno nircur Jesús disípuluncunawan can'waman
yaycuran. Gochapa aywarcaycaptin
Jesusga puñucäcuran. Chaycama
fiyupa wayrawan yacu
pullchajyar can'wata
tallpuycächiranna.



Chayno niptin Jesús niran: «¿Imanirtaj mancharircaycanqui? ¿Manachu Tayta Diosman yäracunqui?» Chayno nircorga jatarcur wayratawan yacuta piñacuran chawananpaj. Chaura wayrapis yacupis chawacäcuran. Chayta ricar disipuluncunaga fiyupa almirar ninacuran: «¡Wayrapis yacupis wiyananpaj payga ima jinanparaj munayniyoj!» nir.



Tayta Diosga runacunata fiyupa
cuyarmi japallan cuyay wamranta
cachamuran Payman pipis yäracoj
cäga mana wañunanpaj chaypa
ruquenga imaycamapis
cawananpaj.



Romanos 3:23 Llapan runami juchayojlla caycan.
Chaynöpami salbacoj Tayta Diosninchipa ñaupanpitapis
carucho caycanchi.

Romanos 6:23 Jucha rurayllacho cawajcunapa pägonga
wañuymi. Tayta Dios gomashanchimi ichanga Tayta
Jesucristuwan imaycamapis cawananchipaj caycan.

Hebreos 9:27 Chayno juc cutillami pi-maypis wañun.
Chaypitaga cawarimonga imano goyashanpitapis jugasha
canallanpänam.

Efesios 2:8,9 Tayta Diosninchichi cuyapäcoj carmi
Jesucristuman yäracuptiqui salbashurayqui. Manami
imatapis rurashcanquichu salbasha canayquipaj. Chaypa
ruquenga quiquin Tayta Diosninchichi munarmi
salbashurayqui. Manami allicunata rurashayquipitachu
salbashurayqui. Chaymi pipis mana alli-tucongachu
«caytami wactami rurashcä» nir.



Romanos 10:9,10 Chaura Jesucristo Taytayqui cashanta willacorga y wañushanpita Tayta Diosninchi cawarachimushanta rasunpa riguerga salbashami canquipaj. Jesucristuta cawarachimushanta riguiptinchëga Tayta Diosninchi allimi ricamëshun. Jesucristo Taytanchi cashanta niptinchëga salbashami cashunpaj.

Juan 3:16,17 «Tayta Diosga runacunata fiyupa cuyarmi japallan cuyay wamranta cachamuran Payman pipis yäraoj cäga mana wañunanpaj chaypa ruquenga imaycamapis cawananpaj. Diosninchëga cay pachaman wamranta cachamusha payman yäraojcunata salbananpämi, manami castigasha cananpächu.»



1 Juan 5:11-13 Tayta Diosga willachimashcanchi Wamran Jesucristuman riguir mana ushacaj cawayta tarinanchipaj cashantami. Chay cawayga Wamrallanchömi caycan. Tayta Diospa Wamranman yäraojcunaga mana ushacaj cawaytami tarin. Mana yäraoj cajmi ichanga chay cawayta mana tarengachu. Gamcunamanga cartata apaycächimö Tayta Diospa Wamranman riguishayquipita mana ushacaj cawayta tarishayquita musyanayquipämi.



Mateo 8-9; Marcos 1-2, 4; Lucas 4, 8; Juan 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Quechua, Huallaga Huánuco Bible (qub) © 2010, Wycliffe
Bible Translators, Inc. All rights reserved. In cooperation with
Asociación Cristiana JAWCA.

<https://www.bible.com/bible/1088/MAT.1>

©2025 Bible for Children, Inc.

www.M1914.org

www.bibleforchildren.org

